

حقوقی بیلگیلر مجموعه سی

آیده بر نشر اولنور

قانونه مدنی

مجله و اصول محاکمه

مجموعه نك تشرین اول سنه ۹۲۶ تاریخ ۲۰ نومرولی نسخه سنده [حقوقی فکری] عنوانی آلتنه مجله و اصول محاکمه دایر یازیلان فقرده موضوع مباحثه اولان قانون مدنینک طرز تطبیقی حقنه کی قانون مخصوصنک ۴۳ نجی ماده سی مجله یی کلیاً الفای ایتیش ایسه ده اصول محاکمات حقوقیه نك ۸۹ نجی ماده سی دایره سنده کتاب الیناتک احکامی باقی اولدینی نظریه سی ایلمی سورولمکده در .

قانونک صراحت قطعیه سنه رغماً اصولک ۸۹ نجی ماده سی وسیله سیله کتاب الیناتک آرتق اصول محاکمات حقونه موقعی اولماق لازم کلیر ایکن محاکمه یینه دستور العمل اولقی اعتباریله بر موقع مهم اشغالی حقنه مالک اولور دیمکدر . مجله نك مذکور باینک حالاً مرعی و محفوظ بولوندوغنه دایر اولان مطالعات نفس الامر موافق اولماسه کرکدر . زیر قانونک ۴۳ نجی ماده سی (مجله ملغادر) دیور . ارباب حقوقجه معلوم اولدوغی اوزره الغای قانونه نسخ دنیله جی کی فسخ دخی دنیله بیلیر که بر قانونی حکمدن اسقاط ایتمکدن عبارتدر . بر قانون صورت مطلقه ده جمله ایچون اوقانونک مفسوخیتی آرزو اولنور ایسه ملنی اولور . بر قانونک الغای آرتق معمول به اولماسی دیمکدر . ینه ارباب حقوقجه مصدقدر که قانونک الغای ایکی صورتده اولوب بری الغای صریح دیکری الغای ضمنی در . الغای صریح موجود بر قانونک یینه یکیدن وضع اولونان قانونله لغو اولوندوغی اعلان اولنمقدن عبارتدر . بو صورتله اعلان اولکی قانونی صراحةً الفای ایدر . الغای ضمنی ایسه احکامی اجرا اولونمقده اولان بر قانونک الفای اولوندوغی صراحةً بیان اولونمیه رق آنک احکامنه توافق ایتیمان دیکر بر قانون وضع و اعلان اولونمقدن عبارتدر که یکدیگر یینه حکماً مخالف اولان ایکی قانونک بر زمانده اجراسی ممکن اولمه جنی و صکره دن وضع اولونان قانونک تاریخی مؤخر اولسی جهتیله معمول به اوله جفندن اسکی قانون ضمناً الفای اولونمیش دیمکدر . اراضی قانونی کی . شو حالده الغای حسیبیه معمول به اولماسی لازم کلان مجله نك کتاب البیناتی اصول محاکمات مرعیی دولایسیله باقی و معمول به اولماسی جهتی مطالعه ایدیله مز . چونکه تطبیقات قانونک ۴۳ نجی ماده سی قانون مدنی و بورجلر قانونی و تطبیقات

قانونه مخالف اولان احکام ایله مجله‌نک الغاسنده اصول حقوقیه‌نک ۸۹ نجی ماده‌سی اولان بینات بحثی مذکور ۴۳ نجی ماده‌نک متن و روحه مغایر اولسندن خارج عدایدیله مز و مذکور ۸۹ نجی ماده‌ده ملئی اولق لازم کلیه . زیراماده‌مربوره‌نک مفسوخی کتاب الینائی مجله‌دن اقتباس ایتدیکنه کورده‌در . بونکله برابر قانون مدینک هدف املی اولان بینات بحثده مجله‌نک راجح ، مرجوح کبی احکامی بر طرف اولوندقدن صکره مجله‌نک ۱۷۱۶ نجی ماده‌سده تعریف و کتب فقهیه‌ده تفصیلاتی اولدوغی اوزره شاهد شهادتنده حاکم مشهود علیه اولان کسه‌ینه دیر سین بونلر شهادتنده صادقیدر لر کاذمیدر لر سؤالی ایراد ایدر ک ابراز واقامه اولونان بینه‌ایله مقید اوله‌رق حکم ایتکدن بشقه شهادتی تقدیره صلاحیتدار اولمادینی معلوم ایکن قانون مدینک ۷ نجی ماده‌سی شاهد لرک شهادتی تقدیر سربستینسی تعیین و مجله‌ منفی ادعای قبول ایتمه‌دیکی حالده قانون مدنی منفی ادعای مثبت ادعا قدر قبول ایتسی کبی طبان طبانہ ضد و بر برینه مخالف اولان کتاب الینائی قانون مدنی احکامی ایله اجتماع ایتدیر مک قطعاً جمع‌لری ممکن اولیان اجتماع ضدینی تجویز دیمک اولور .

ینه مجله‌نک صورت مطلقه‌ده لغوی مطلق کاله صرف اولنق قاعده‌سنه تطبیقاً تعمیم جهتی مرجح اولور . یعنی قانون مدینک تضمن ایتدیکی هر شیده او قانونک حکمی جاری اولق جهتی ترجیح اولنور یوقسه او قانونک حکمی آنک تضمن ایتدیکی شیلردن بعضیسنه تخصیص ایتک جهتی مرجح اوله‌ماز . حتی بر قانونده مبهم اولان برشی قواعد منطقه تعلقی حالده بیه قانونک وضعندن مقصد و سیاق نه ایسه آکا کوره حرکت اولنور . یکی قانونک وضعندن مقصد اوچ بش فقهانک دیروب دوشرمه بر طاقم اجتهاداتی آلتنده یازیلان حقوقک صاپلانوب قالدینی مجله‌نی اورنادن قالدیرمق ایکن قانون مدینک مرعیتده‌ده ینه آنک وجودندن بحث و آنک احکامنه اتباع ایچین برجهت ترجیح ادعا روح و مقصد قانونه منافی اولور ، فقط عرف و عادت نامی آلتنده شمیدلک تطبیقه برشی دنیله‌مز .

آووقات

غازی عینتاب : عمر شرقی